

lewa.leselinyana

LESELINYANA LA LEKHOTLA LA TAOLO EA MOTLAKASE LE METSI LESOTHO



Lekhotla le
phatlalatsa litefiso
tse ncha tsa
metsi le
likhoerekhoere 4



Lipehelo tsa
litšebeletso tsa
motlakase ho
basebelisi ba
metseng 9



Thupelo ea boraro e khotlaletsang
bonngoe e ile ea tšoaroa 13

3 • Litefiso tse ncha tsa motlakase li kena tšebetsong

*Babali ba khabane,
Ke qala pele ka ho
le leboha ka thahasello ea
lona ea ho bala leselinyana
lena le ntsoang ke Lekhotla la
Taolo ea Motlakase le Metsi
Lesotho (LEWA).*



Ntoi Rapapa, Mookameli e moholo oa LEWA


Re boetse hape re fihlile qetellong ea selemo se seng sa lichelete, 'me re motlotlo ho arolelana le

lona tse ling tsa lintlha-kholo tse ileng tsa etsahala karolong ea bone ebile e le ea ho qetela ea selemo sa 2014/15.

E 'ngoe ea lintlha tsa bohlokoa tseo re lokelang ho sebetsana le tsona ke ho aha Lekhotla le matla le tsebahalang ka moea o motle oa tšebeliso le tšebetso e tsoileng matsoho. Ke kahoo re kenyeletsang tse ling tsa tseo re li entseng e le ho phethahatsa sena leselinyaneng lena.

Ho se ho tsebahala hore o mong oa mesebetsi ea rona ea mantlha re le Lekhotla la taolo ke ho laola litefiso tsa litšebeletso tse fanoang ke lik'hamphani tse filoeng mangolo a molao a tumello ea tšebetso. Re phatlalatsa litefiso tse ncha tsa litšebeletso tsa motlakase, metsi le likhoerekhoere selemong sa lichelete sa 2015/16.

Boitlamong ba rona ba ho tsoelapele ho ruta sechaba, ka litaba tsa rona, re shebisana malebela a tšebeliso ea metsi ka nepahalo le maemo a lokelang ho eloa hloko ke bafani ba litšebeletso tsa motlakase libakeng tseo e seng tsa literopo-Lipehelo tsa Boleng ba Litšebeletso tsa Phepele ea Motlakase, Metsi le Likhoerekhoere (Quality of Service and Supply Standards - QoSSS).

Ke tšepo le tebello ea rona hore litaba tsena li tla ba bohlokoa ho lona 'me re tšepa hore le tla thabela ho bala leselinyana la rona. 

Ntoi Rapapa
Mookameli

Romella maikutlo ho: secretary@lewa.org.ls



Leselinyana lena le hatisoa hang kamor'a likhoeli tse tharo. Litaba tsohle tse ka har'a lona li ikarabella ho Lekhotla la Taolo ea Motlakase le Metsi Lesotho.

© 2015 Lekhotla la Lesotho Motlakase le Metsi. Mang kapa mang ea ka khahloang ke ho sebelisa litaba tse

ka hare ho lona o tlameha hore a be a entse kopo, 'me a be a hlalose ka botlalo hore o qotsitse litaba tse ka har'a leselinyana lena.

Borali le khatiso: The Age Multimedia Publishers

LEWA e fumaneha : Lesotho Electricity and Water Authority,

7 Floor, Moposo House, Kingsway, Maseru, Lesotho

Tel: +266 22 312479 • **Fax:** +266 22 315094

Email: secretary@lewa.org.ls • **Website:** www.lea.org.ls

Postal Address: Private Bag A135, Maseru 100 – Lesotho, Southern Africa.

Litefiso tse ncha tsa motlakase tsa 2015/16 li kene tšebetsong

Qeto ena ea Lekhotla e fihletsoe kamor'a hore ka Pherekhong 2014, LEC e etse kopo ea tlhahlobo-bocha ea litefiso tsa selemo sa 2015-16.

Ka la 1 `Mesa 2015, litefiso tse ncha tsa motlakase tsa 2015/16 li ile tsa kene tšebetsong kamor'a hore Lekhotla la Taolo ea Motlakase le Metsi Lesotho (LEWA) le ananele hore K'hamphani ea Lesotho ea Motlakase (LEC) e hloka chelete e M745,721,890.21 selemong sa lichelete sa 2015/16.

Qeto ena ea Lekhotla e fihletsoe kamor'a hore ka Pherekhong 2014, LEC e etse kopo ea tlhahlobo-bocha ea litefiso tsa selemo sa 2015-16. LEC e ne e entse kopo ea nyollo ea litefiso ea selemo le selemo ka linoko tse 18.32 lekholong holim'a litefiso tsa matla le Litefiso tsa tlhokahalo ea sekhahla sa motlakase (Maximum Demand).

Lekhotla le ile ea shebisisa kopo, maikutlo a boemeli ba LEC esita le a sechaba a ileng a fanoa liphuthehong tsa ho nonya maikutlo `me ea etsa qeto ea hore mabaka a LEC a kopo ea nyollo ea linoko tse 18.32 lekholong (18.32%) ea litšebeliso le chelete ea kuno ea M763,479,924.00 a ne a sa kholisehe.

Molula-setulo oa Boto ea Lekhotla, Dr. Leboli Thamae o ile a phatlalatsa litefiso tse ncha tse ananetsoeng `mokeng oa baphatlalatsi ba litaba o neng o tšoaretsoe liofising tsa LEWA ka la 26 Hlakubele 2015, 'me a re Boto e ananetse kopo ea LEC ea chelete ea kuno ho kenyeletsa le ea matlole 'me seo se tlisitse nyollo ea

litefiso mekhahlelong e fapaneng ea basebelisi ba motlakase joalokaha ho bontšitsoe liratsoaneng katlase mona.

Dr. Thamae o ile a bontša hore ho tla ba le nyollo ea litefiso tsa motlakase ea 5.6% ho basebelisi ba motlakase ba malapeng; nyollo ea 5.7% sebakeng sa mabone a seterateng; nyollo ea 5.6% tšebeliso e akaretsang (likhoebong tse nyenyane) le nyollo ea 7.0% le 6.9% litefising tsa matla a motlakase a holimo le a fokolang sebakeng sa basebelisi ba Lifemeng kapa likhoebo tse kholo. Ho boetse ha ananeloa nyollo ea 5.4% sebakeng sa tlhokeho ea Maemo a holimo-limo a matla a motlakase a holimo le a fokolang libakeng tsa mesebetsi e meholo le lifeme.

“Hona ho bolella hore, ha re etsa mohlala feela, ka M20.00 ho kenyeletsoa le lekhetso motlakase oa lapeng ka 2014/15, o ne o etsa li-units tse 16.42. Ka litefiso tse ananetsoeng selemong sa lichelete sa 2015/16 li-units tseo li 15.55 ka chelete e tšoanang e leng ka M20.00,” ho hlalositse Dr. Thamae.

Lekhotla le entse qeto ea hore chelete e ananetsoeng e ne ehlile e hlokeha kaha har'a tse ling e tla lekana litšenyehelo tsa ha ho rekoa motlakase o mongata ho tsoa Setsing sa Phelelo sa 'Muela ('Muela Hydro Power Plant (MHP), Eskom ea Afrika Boroa le EDM ea Mozambique le ho kenyeletsa litšenyehelo tsa



Dr. Leboli Thamae (ea bohareng ba tafote) o phatlalatsa litefiso tse ncha tse ananetsoeng tsa 2015/16 'mokeng oa baphatlalatsi ba litaba.

3

K'hamphani tsa letsatsi le letsatsi, tokiso ea thepa, meputso ea basebetsi le ho theoha ha boleng ba thepa. Litšeyehelo tsena li boletsoe ke LEC e le tse ling tsa mantlha tse susumelitseng kopo ea eona.

Litefiso tse ncha tsa LEC tse ananetsoeng li bontšitsoe tafolaneng e katlase.

Litefiso tsa 2015/16 tsa basebelisi ba motlakase	
Mekhahlelo ea basebelisi	Litefiso tsa matla a motlakase ho kenyeletsa le litlatsetso (M/kWh)
Mesebetsi e meholo le lifeme HV	0.2155
Mesebetsi e meholo le lifeme LV	0.2326
Likhoabo tse kholo HV	0.2155
Likhoabo tse kholo LV	0.2326
Likhoabo tse nyane	1.3753
Motlakase oa lapeng	1.2249
Mabone a seterateng	0.7260

Chelete ea letlole ea basebelisi ba motlakase = M0.0360/kWh hammoho le letlole la lifeme le likhoabo tse kholo tse rekang motlakase oa matla a holimo le a fokolang = M0.02/kWh. Letlole la kanetso ea motlakase le pataloang ke basebelisi ba (likhoabo tse nyane) tšebeliso e akaretsang, motlakase oa lapeng le mabone a seterateng = M0.035/kWh

Litefiso tsa Tlhoko e holimo ea Motlakase tsa 2015/16	
Mekhahlelo ea basebelisi	Litefiso tsa MD (M/KvA)
Mesebetsi e meholo le lifeme HV	224.7040
Mesebetsi e meholo le lifeme LV	262.4547
Likhoabo tse kholo HV	224.7040
Likhoabo tse kholo LV	262.4547

Lipalo tse kahalimo ha li kenyeletse lekhetho la thekiso (VAT) ☐

Lekhotla le amohela litefiso tse ncha tsa metsi le likhoerekhoere

WASCO e kopile nyollo ea linoko tse 25 lekholong (25%) ea litšebeliso tsa metsi le likhoerekhoere le nyollo ea linoko tse tšeletseng 6 lekholong (6%) litefisong tsa khoeli le khoeli.

Ka la 1 'Mesa 2015, litefiso tse ncha tsa metsi le likhoerekhoere tsa 2015/16 li ile tsa kena tšebetsong kamor'a hore Boto ea Lekhotla la Taolo ea Metsi le Motlakase Lesotho (LEWA) le ananele chelete e limilione tse M185.33 sebakeng sa litšebeliso tsa metsi le limilione tse M30.14 ea litšebeliso tsa likhoerekhoere tsa K'hamphani ea Metsi le Likhoerekhoere (WASCO) selemong sa lichelete sa 2015/16.

Ka Pherekhong 2015, WASCO e entse kopo ea nyollo ea linoko tse 25 lekholong (25%) litefisong tsa eona tsa litšebeliso tsa metsi le likhoerekhoere le nyollo ea tse 6 lekholong (6%) litefisong tsa khoeli le khoeli. Kopo ena e ne e reretsoe ho etsa kuno ea limilione tse M209.41 sebakeng sa litšebeliso tsa metsi le limilione tse M35.90 litšebeliso tsa likhoerekhoere selemong sa lichelete sa 2015/16. K'hamphani e boetse ea etsa kopo ea nyollo litefisong tsa khokelo ea metsi ka M500.00 ho basebelisi ba mekhahlelo ea A, B le C.

Lekhotla le ile la shebisisa kopo, maikutlo a boemeli ba WASCO esita le a sechaba a ileng a fanoa liphuthehong tsa ho nonya maikutlo 'me ea etsa qeto ea hore mabaka a mokopi a ho etsa kopo a ne a sa kholise.

'Mokeng oa baphatlalatsi ba litaba o neng o tšeroe ka sepheo sa ho phatlalatsa qeto ea Lekhotla holim'a kopo ea WASCO, Molula setulo oa Boto ea Lekhotla, Dr. Leboli Thamae o ile a bontša hore Lekhotla le ananetse nyollo ea litefiso tsa metsi, ho kenyeletsa le chelete ea sebakeng sa mekhahlelo e fapaneng ea basebelisi ba fapaneng (bao tšebeliso ea bona ea metsi e bontšitsoeng ka masakaneng) seratsoaneng se katlase.

Dr. Thamae o hlalositse hore sebakeng sa basebelisi ba metsi Mokhahlelo oa A (lilithara tse 0 - 5,000) ho tla ba le nyollo ea 7.9%, ha ho basebelisi ba Mokhahlelo oa B (lilithara tse 5,000 -10,000), Mokhahlelo oa C (lilithara tse 10,000-15,000) le ba Mokhahlelo oa D (lilithara tse kahalimo ho 15,000) ho ananetsoe nyollo ea litefiso tsa



Ba bang ba nang le kobo ea bohali ba nkileng karolo tlhatlhobong ea litheko tsa metsi le likhoerekhoere Mafeteng ka Hlakola 2015.

4

8%. Nyollo ea 5% e ile ea ananeloa bakeng sa basebelisi ba litšebeliso tsohle tsa likhoerekhoere.

Kopong ea tlhahlobo-bocha ea litefiso tsa khoeli le khoeli, Dr. Thamae o re Boto e re ho ke ke ha e-ba le nyollo ho basebelisi ba Mokhahlelo oa A.

Mokhahlelong oa B, C le D, ho ananetsoe nyollo ea 5% holim'a litefiso tsa khoeli le khoeli. Kopo ea tlhahlobo-bocha ea litefiso tsa khokelo eona ha e ka ba ea ananeloa.

“Ho ke ke ha nyolloa litefiso tsa khokelo. WASCO e lumelletsoe hore chelete ea ho lokisa thepa e seng e tsofetse ebe eona e tla sebelisoa le ho arabela mathata

a ka hlahang a litšenyehelo tsa khokelo,” Dr. Thamae o tlatselitse joalo.

Lekhotla le ikholisitse hore chelete eo e tla lekana lithoko tsa mesebetsi ea WASCO tse laoloang ke Lekhotla tse kang tlhahiso ea metsi, phano ea litšebeliso tsa metsi le ho ntšoa ha likhoerekhoere, ‘me li tla boela li susumelletse K’hamphani ho ntlafatsa boemo ba metsi le tlhokomeliso ea litšila e le hore li ikamahanye le maemo a molaong, le ho khotlaetsa WASCO ho ntlafatsa boiphihlelo ba tšebetso ea eona ka ho fokotsa bongata ba metsi a senyehang a sa lefelloe.

Litefiso tsa metsi le likhoerekhoere tse fetisitsoeng tsa 2015/16 li bontšitsoe tafolaneng e katlase.

Litefiso tsa Metsi le Likhoerekhoere tse Ananetsoeng tsa 2015/16 – Ho tloha ka la 01 'Mesa 2015.

Mekhahlelo ea basebelisi	Litjeo tsa semetho ka litekanyetso tsa bongata ba metsi (M/kL) e kenyeletsang letlole (Levy) ea mosebelisi	Litjeo tsa khoeli le khoeli tse sa fetoheng ka Maloti (M/Khoeli)
Basebelisi ba lapeng (Semetho sa bongata ba metsi le litjeo mokhahlelong ka mong)		
Mokhahlelo A (0-5kl)	4.51	21.93
Mokhahlelo B(>5-10kl)	7.64	40.90
Mokhahlelo C(>10-15kl)	13.42	40.90
Mokhahlelo D(>15kl)	18.50	40.90
Pompo ea sechaba	6.11	-
Tšebeliso eo e seng ea lapeng ea metsi (Semetho sa bongata ba metsi le litjeo mokhahlelong ka mong)		
Khoebo le Mesebetsi e meholo le lifeme	12.21	393.39
'Muso	12.21	272.35
Likolo	12.11	272.35
Likereke	12.11	196.70
Litefiso tsa litšebeliso tsa likhoerekhoere		
Basebelisi bohle ba lapeng le bao eseng ba lapeng	Nyollo ea 5.0% kaholimo ho litefiso tsa 2014/15 e ananetsoe	-

¹ Maloti ho kilolithara e le 'ngoe; 1 kl = lilitlithara tse 1,000.

² Letlole la basebelisi= M0.2054/kl.

Ho botjoa ha moralo-tšebetso oa taolo ea matla ho a qala

Moralo-tšebetso ona oa taolo ea matla a inchafatsang o reretsoe ho nolofatsa ho kenngoa tšebetsong ha setšoantšo sa leano la Matla la naha.

Lekhotla la Taolo ea Metsi le Motlakase Lesotho (LEWA) le khakotse moralo-tšebetso oa naha oa taolo ea nako tsohle ea lihlahisoa tsa matla a inchafatsang (renewable energy) Lesotho maqalong a Pherekhong 2015.

Moralo-tšebetso ona oa taolo ea matla a inchafatsang o reretsoe ho nolofatsa ho kenngoa tšebetsong ha setšoantšo sa leano la matla la naha le bontšang tsela eo matla ao a tšoanetseng ho sebelisoa.

Kaha Lesotho le na le mehloli e matla ea moea le metsi, phehlo ea matla a letsatsi e fana ka tšepo ea hore naha e tla thiba sekheo sa khaello e teng ea motlakase. Hape le na le sebaka se le seng feela moo ho fehloang motlakase e leng Setsi sa Phehlo ea Motlakase 'Muela ('Muela Hydro Power Plant). Sebaka sena ha se atlehe ho fehla motlakase o lekaneng haholo nakong ea tlhokeho e matla ea tšebeliso ea motlakase, 'me ka lebaka leo motlakase o rekoa Aforeka Boroa le Mozambique.

Moralo-tšebetso oa Matla a inchafatsang o na le lipheo le mesebetsi ea mantlha e kenyeletsang Ntlatfatso ea Bahlahisi ba Ikemetseng (IPPs) ba phehlo ea Motlakase ka matla a inchafatsang le lisebelisoa tsa molao le melaoana eo ho ipapisoang le eona ha ho behoa

litefiso tsa RES-E (Motlakase o Fehloang ka Mehloli e inchafatsang) le mokhoa o hlakileng oa moruo le lichelete.

Moralo ona o na le likarolo tse shebaneng le litaba tse amanang le moruo le lichelete me o tla kenyeletsa litšenyehelo, litaba tsa botsebi, moruo, lichelete le litšebetso tsa lichelete mafapheng, e le ho fana ka mabaka a hore ho hlahlajoe litšenyehelo le litefiso tse fapaneng tsa marang-rang a RES-E, litheko, le tokisetso ea lipuisano tse mabapi le Litumellano tsa Theko ea Motlakase (Power Purchase Agreements).

Ka mokhoa o tšoanang, joaloka ha tšebetso ena e le bohlokoa ho ile ha ntlatfatsoa melao le melaoana ea moralo-tšebetso oa tumellano ea theko ea motlakase (PPA) le mokhoa oa phano ea litokomane tsa molao boemong bo tlase, bo mahareng le boemong bo holimo ba merero ea RES-E (merero e shebaneng le thekiso ea motlakase kahare ho naha le ea kantle ho naha) ho ntse ho ipapisitsoe le litaba tsa molao.

Thupelo ea ba nang le kobo ea bohali ho kenyeletsa LEWA le basebetsi ba Lekala la Matla, mekonteraka ea motlakase le boemeli ba litsi tsa thuto e phahameng e reretsoe ho tšoaroa hamorao ka 2015 ☐



Setsi sa phehlo ea motlakase ka matla a letsatsi se lebaleng la lifofane Moshoeshe I.

LEWA e tšoara phutheho le ba bang ba sechaba Mokhotlong

Sepheo sa kopano e ne e le ho elellisoa lihlopha tsa ba nang le kobo ea bohali hore ba tsebe ka litokelo le boikarabelo ba bona moralo-tšebetsong oa taolo.

Ele karolo ea phethahatso Leoa la Khokahano le Sechaba le reretsoeng ho tlisa tlhokomeliso ka boikarabelo ba lona, Lekhotla la Taolo ea Motlakase le Metsi Lesotho (LEWA) le ile la tšoara thupelo ea ba nang le kobo ea bohali le sechaba sa Mokhotlong ka la 22 Pherekhong 2015, ka morero oa ho ntšetsapele ho tsebahatsa leano la eona joalokaha ele mokhoa o mong oa eona oa ho fetisetsa litaba tsa eona sechabeng.

Sepheo sa kopano e ne e le ho elellisoa lihlopha tsa ba nang le kobo ea bohali hore ba tsebe ka litokelo le boikarabelo ba bona moralo-tšebetsong oa taolo, ho shebiloe haholo methati ea ho beha litefiso.

Ho ntse ho etsoe hloko hore lik'hamphani tse peli tse laoloang ke LEWA, e leng K'hamphani ea Lesotho ea Motlakase (LEC) le K'hamphani ea Metsi le Likhoerekhoere (WASCO) li ne li se li fane ka likopo tsa tlatlhobo-bocha ea litefiso tsa tsona tsa selemo sa lichelete sa 2015/16 nakong eo ho tšoeroeng phutheho, taba-kholo phuthehong ena e ne e le ho tsebisa ba teng ka likopo tsa lik'hamphani tsena (LEC le WASCO) le bohlokoa ba ho kenya letsoho ha sechaba litabeng tsa

methati ea taolo ea motlakase le metsi.

Ha a bula phutheho ena ka molao 'Musisi oa Setereke sa Mokhotlong, Monghali Motsamai Mokoto o ile a amohela bohle ba tlileng phuthehong, a ba a leboha LEWA ka boikathatso ba eona le ho pheella ho arolelana litaba tsa taolo ea motlakase le metsi le sechaba sa Mokhotlong lilemo tse fetileng.

"Boikitlaetso ba LEWA ba nako e telele ba ho fihlela sechaba se literekeng bo ea babatseha. Kea tšepa hore molaetsa o tlišitsoeng ke Lekhotla kajeno o tla fihlela litsebeng tse utloang tsa bohle ba teng thupelong ena. Ke se ke ipiletsa hore phutheho ena e mpe e tsoele bohle ba kentseng letsoho molemo", a rialo Monghali Mokoto.

Ba neng ba le teng phuthehong ba ile ba hlahisa lingongoreho tsa bona mabapi le nyollo ea litefiso tse entsoeng ke k'hamphani ea LEC le WASCO le mabaka a nyollo ea tsona. Boholo ba bona ba fumane nyollo ea litefiso tse sisintsoeng ke lik'hamphani tsena tse peli li se na toka hobane, ba bontšitse hore, LEC le WASCO li tsebahala haholo ka phano e monyebe ea litšebeletso.



'Musisi oa Setereke Mokhotlong, Ntate Motsamai Mokoto (ea emeng), o bula phutheho e tšoareletsoeng Mokhotlong ka molao.

7

Ho araba bothata bona, Lekhotla le khothalelitse ba neng ba le teng phuthehong ho ngola maikutlo a bona ka likopo tsa nyollo ea litefiso, 'me ba a ise ofising ea 'Musisi oa Setereke, joalokaha LEWA e na le likamano tse ntle le liofisi tsa Babusi ba Litereke naha ka bophara. Ha e le litabeng tsa phano ea litšebeliso tse ileng tsa hlahella phuthehong, boemeli ba WASCO le LEC bo ne bo le teng ho araba litletlebo tseo. Lekhotla ka ho latela tsela ea lona ea tšebetso, e nang le toka le ponaleto ho Lik'hamphani tsena tse peli kamehla le li memela liphuthehong tse joalo hore li be le seabo ho tsona.

Tse ling tsa lingongoreho tse hlakisitsoeng ke sechaba mabapi le litšebeliso tsa WASCO ebile ea hore tšebetso ea eona ha e ea pharalla ho lekana, le hore na ke hobane'ng e rekisetsa Basotho metsi empa e le sehloliloeng se sengata sa kahare ho naha. Karabo e fanoeng ke k'hamphani ebile hore eona (WASCO) e fana ka litšebeliso metseng e literopong le e mabalane le

hore k'hamphani ha e rekise metsi empa basebelisi ba lokela ho lefella litšebeliso.

Lingongoreho tse neng li tobisitsoe ho LEC li ne li kenyeletsa ho se tšepahale ha phepelo ea motlakase seterekeng le mokhoa oo LEC e o sebelisang ho hloaea metse e kenngoang motlakase. Ho arabela sena, LEC e bontšitse hore e na le bothata ba thepa e tsfetseng e lokelang ho nkeloa sebaka ke e ncha ho feta mona taba e 'ngoe ke hore 'Musiso ke oona o hloaeang metse hore na ke efe e lokeloang ke ho kenngoa motlakase pele.

Phutheho e ile ea koaloa ka molao ke 'Musisi oa Setereke ea thoholelitseng LEWA ka bohlokoa ba litaba tseo ho buisanoeng ka tsona, a bontša hore phano ea litšebeliso tsa LEC le WASCO e na le monyetla oa ho ntlafatsoa. Phuthehong ena ho ne ho e-na le batho ba fetang 30, ho kenyeletsa bahlanka ba 'muso, bahoebi, mak'hanselara a litereke, baphatlalatsi le sechaba □

Malebela a tšebeliso e nepahetseng ea motlakase

Lekhotla la Taolo ea Metsi le Motlakase Lesotho (LEWA) le kholisehile hore litloaelo tsa basebelisi tsa tšebeliso e nepahetseng ea motlakase li ka ntlafatsoa ka phetisetsano e nepahetseng ea litaba. Ho kenngoa tšebetsong ha tšebeliso e nepahetseng ea motlakase ho se ho atile le hona ho tsebahala lefatšeng ka bophara e le mokhoa o nang le bokhoni ba ho theola lithoko tse phahameng tsa motlakase, ho thibela mathata a tikoloho joaloka likhase tse silafatsang moea le ho ntlafatsa tšireletso ea phepelo ea motlakase.

Ho kenngoa tšebetsong ha malebela a tšebeliso e nepahetseng ea motlakase, ho bonahetse e le mokhoa o nepahetseng o se nang litjeo tse holimo bakeng sa ho ntlafatsa moruo kaha o sa kena-kenaneng le tšebeliso e phahameng haholo ea motlakase.

Ho na le likarolo tse ngata tseo basebelisi ba motlakase ba ka li hloaeang e le tsa mantlha bakeng sa ho kenngoa tšebetsong ha litloaelo tse nepahetseng tsa tšebeliso ea motlakase esita le eona tšebeliso ea thepa ea motlakase le moralo oa matlo.

'Mehlala ea mekhoe ea paballo ea motlakase e khothalelitsang e kenyeletsa har'a tse ling tšebeliso ea thepa e thefulang matla a serame ka matlung nakong ea khaho. Tšebeliso ea thepa e thibelang serame matlung e thusa hore ho be le tšebeliso e fokolang ea ho futhumatsa ntlo le ho e boloka e pholile hantle ka nako tsohle. Mofuta oa matlo o tinkelelitsoeng ka thata ho kenyeletsa le lifensetere tse nepahetseng bakeng sa tšebeliso ea motlakase, mamati a tinkelelitsoeng ka thata, motheho le moralo o nepahetseng li ka fokotsa tahleho ea kapele ea mofuthu ka mokhoa o holimo.

Ho kenngoa ha mofuta o itseng oa mabone e ka ba mohlala o motle oa ho fokotsa tšebeliso ea motlakase bakeng sa ho fumana khanya e lekaneng papisong le mofuta oa mabone a tloaelehileng a khanyang haholo.

Meahong ea mesebetsi e meholo le ea malapeng, motlakase o ka baballoa ka ho sebelisa mekhoe e jang hanyenyane ho feta le theko ea motlakase ka boona. Lipeipi tsa metsi tse lulang li lutla ha li nkeloe hloohong haholo empa ke tsona tse bakang tšenyiso e ngata ea motlakase ea lilemo-lemo, li lokela ho lokisoa hobane tahlehelo ea metsi a chesang e lekana le tahleho ea motlakase o sebelisoang ho a futhumatsa.

Lihatsetsi tsa sejoalejoale, lionto, litofo, mechini e hlatsoang lijana le ea liphahlo le e li omisang, e sebelisa motlakase o fokolang ho feta tsane tsa khale. Mohlala, lihatsetsi tsa hajoale tse sebelisoang li sebelisa motlakase o fokolang ho feta tsa khale. Ka lebaka leo, ha batho kaofela ba ne ba ka arohana le thepa ea bona eo ba e rekileng lilemong tse leshome tse fetileng ho reka e ncha, motlakase o mongata o ka baballeha ka selemo.

Litla-morao tsa tšebeliso e nepahetseng ea motlakase ka nako eo o hlokoang ka matla li ipapisitse le hore na

thepa ena ea motlakase e sebelisoa neng. Mohlala, sefehla-moea se sebelisa motlakase o mongata motšeaare oa mantsiboea ha ho chesa. Kahona, sefehla-moea se sebelisang motlakase ka nepahalo se ka tlisa mathata a maholo nakong ea tšebeliso ea sona ha se hlokoa ka matla ho feta nakong eo se sa sebelisoeng.

Ntlha ea ho qetela, ke hore ho hlake hore tšebeliso e nepahetseng ea motlakase ha e felle feela tabeng ea ho sebelisa motlakase empa e qala ka ho khetha le ho reka thepa e baballang motlakase □

Lipehelo tsa litšebeletso tsa motlakase ho basebelisi ba metseng

E le ho sireletsa lithahasello tsa basebelisi ba metseng le ho etsa bonnete ba hore phano ea litšebeletso e etsahala ka paballeho le ka nepahalo, Lekhotla la Taolo ea Motlakase le Metsi Lesotho (LEWA) le thehile lefapha la Liphehelo tsa Boleng ba Litšebeletso tsa Phepelo ea Motlakase, Metsi le Likhoerekhoere (QoSSS).

E le ho fihlela sepheo sena, liphehelo tse itseng tsa mantlha tsa boemo bo katlase-tlase ba phano ea litšebeletso tse behiloeng ke Lekhotla li bontšitsoe

katlaase. Maemo ana a hloailoeng a phatlalalitsoe e le hore basebelisi ba amehang ba ithahlobele 'ona.

QoSSS ea metseng ke boikitlaetso ba Lekhotla ba ho kenya letsoho ka mokhoa o toma ho thusa pharalatsong ea menyetla ea moruo le ho ntlafatsa boemo ba bophelo ba baahi ba metseng. Hona ho boetse ho tšehetsa moralo oa naha oa nako e telele oa ho netefatsa hore sechaba se metseng se ba le litsela, marokho, meaho le litšebeletso tse tšepahalang tse tla etsa hore ba qothisane lehlokoa moruong le linaha tse ling.

Lipehelo tsa phano ea litšebeletso tsa motlakase ho basebelisi ba metseng		
Tšebeletso	Boemo bo katlase-tlase/ Liphehelo	
Khokelo ea motlakase	Nako ea ho fana ka likhakanyo (Quotations)	Linako tsa khokelo
	Ka nako ea matsatsi a 20 a tšebetso sebakeng seo motlakase o seng o ntse o le teng haufi.	Ka nako ea matsatsi a 30 a tšebetso sebakeng seo motlakase o seng o ntse o le teng haufi.
	Ka nako ea matsatsi a 40 moo ho nang le tlhokahalo ea ho atolosa khokelo ea motlakase.	Ka nako ea matsatsi a 60 moo ho nang le tlhokahalo ea ho atolosa khokelo ea motlakase.
Ho baloa ha mithara	Limithara tsa basebelisi li lokela ho baloa bonyane hanngoe nakong ea likhoeli tse tharo.	
Ho khaoloa ha phepelo	<ol style="list-style-type: none"> 1. Basebelisi ba lokela ho khaoleloa kamor'a matsatsi a 5 a mohau haeba ba hlolehile ho lefa. 2. Khokelo-bocha e lokela ho etsoa letsatsing la pele la tšebetso kamor'a hore mosebelisi a lefe. 3. Bahoebi ba lokela ho fuoa tsebiso lihora tse 48 pele ho ka khaoloa phepelo. 4. Khaolo ea phepelo ha ea lokela ho etsoa mafelong a beke, matsatsing a phomolo kapa Labohlano. 5. Ho lokela ho khaoloa phepelo hang hang haeba mosebelisi a hlekahlekane le thepa. 6. Khokelo-bocha e lokela ho etsoa ka nako ea matsatsi a mabeli a tšebetso kamor'a hore litfiso tsohle tsa likotlo tsa ho hlekahlekane le thepa ea motlakase li lefshoe. 	
Litlitlebo tsa basebelisi	<ol style="list-style-type: none"> 1. Litlitlebo tse ngotsoeng li lokela ho arajoa ka mongolo ka nako ea matsatsi a 5 a tšebetso 'me bothata bo rarolloe ka nako ea matsatsi a 10 a tšebetso. 2. Maamong ao basebelisi ba sa khotsafalang ke tsela eo REU e ba fileng litšebeletso ka eona le kamor'a hore basebelisi ba tletlebe, ka bona, basebelisi ba ka isa litlitlebo tsa bona ho Lekhotla. 	



Marang-rang a phepelo ea motlakase Dilli-dilli/Sixondo ele e 'ngoe e ikemetseng phepelong ea motlakase metseng.

Bohlokoa ba ho nonya maikutlo a sechaba ka taolo ea litšebeletso

Boemong bona LEWA e filoe matla a ho laola litefiso tsa litšebeletso tse fanoang ke K'hamphani ea Lesotho ea Motlakase le K'hamphani ea Metsi le Likhoerekhoere.

Lekhotla la Taolo ea Motlakase le Metsi Lesotho (LEWA) le laola Lefapha la Phepelo ea Motlakase le Litšebeletso tsa Metsi le Likhoerekhoere Metseng e Literopong (UWSS) kahar'a naha.

Lekhotla le buisana le ho kopa maikutlo a sechaba le ba nang le kobo ea bohali ha le etsa liqeto tsa tsamaiso. Mothati o mong o joalo o lateloa ha liqeto li etsoa litefisong tsa litšebeletso tsa motlakase le metsi le likhoerekhoere.

Boemong bona LEWA e filoe matla a ho laola litefiso tsa litšebeletso tse fanoang ke K'hamphani ea Lesotho ea Motlakase le K'hamphani ea Metsi le Likhoerekhoere. Ho latela molao oa Lekhotla la Taolo ea Motlakase (LEA Act of 2002 o thehileng Lekhotla), o fanang ka matla a joalo, o hlomathisitsoeng ka 2011, Lekhotla, har'a tse

ling le lebelletsoe ho batla maikutlo a sechaba ka litefiso tse ncha tse sisintsoeng ke lik'hamphani tsena pele le ka fihlela qeto litefisong tsa litšebeletso.

Likopo tsa lik'hamphani mabapi le tlhahlobo-bocha ea litefiso li lokela hore, har'a tse ling, li ipapise le mokhoa oa tsamaiso ea tlhahlobo-bocha ea litefiso le ea methati ea kopo e entsoeng ke Lekhotla. Mokhoa oa tsamaiso o hlakisa hantle tsela eo likopo li lokelang ho hlophshoa ka oona le ho fana ka tsona ho LEWA. Lekhotla le na le matla a ho batla lintlha tse felleletseng moo kopo e nang le likhaello tse itseng.

Hang ha Lekhotla le fumana hore likateng tsa kopo li felleitse, sechaba se tsebisoa ka mecha ea bophatlalatsi e joaloka maselinyana, li-ea-le-moea le thelefishini. Sepheo ke ho fa sechaba nako ea ho shebisisa kopo


e-be se fana ka litlatsetso, maikutlo le likhohale tsa sona. Sechaba se tsoelapele ho khotlaetsoa ho hlahisa maikutlo a sona ka mongolo lipitsong molemong oa ponaleto.

Maikutlo, litlatsetso le likhohale tse ngotsoeng tsa ba nang le kobo ea bohali li kopanngoa hammoho 'me kamorao ho moo Lekhotla le tsoara lipitso. Hona ho fa lik'hamphani tsena sethala sa ho teka mabaka a tsona le ho tšehetsa kopo ea tsona ea tlhahlobo-bocha ea litefiso tsa litšebeliso. Lik'hamphani tsena li teka kopo ea tsona ho ba nang le kobo ea bohali naha ka bophara le ho komiti ea boto ea LEWA. Ba nang le kobo ea bohali le bona ba fuoa monyetla oa ho hlahisa maikutlo a bona holim'a likopo.

Ho kenya letsoho ha ba amehang ho nkoa ho le bohlokoa ke Lekhotla nakong eo ho etsoang liqeto, le ha ho etsoa tlhahlobo-bocha ea litefiso. LEWA boemong bona e tataisoa ke mokhoa oa eona oa tšebetso oa ho mamela

ka bolokolohi maikutlo a fapaneng, 'me sena se thusa Lekhotla ho khotsofatsa lithahasello tsa ba amehang le tsa lik'hamphani ka ho lekana.

Mokhahlelo oa ho qetela mehatong ea ho etsa qeto ke boinahano ba Lekhotla le hona ho etsa qeto ea hore na litefiso tseo li tla atleha ho phethahala selemong seo sa lichelete. Boto eona e fihlella sena ka ho hlahlobisa ka botebo kopo eo, har'a tse ling, e ntse e etse hloko mabaka a entseng hore K'hamphani e etse kopo le bopaki bohle bo tekiloeng le tlhahlobisa ea maikutlo a bokelletsoeng hammoho a sechaba le moralo-tšebetso oa taolo ea bakopi.

Sechaba se kopuoa ke hona ho ananela bohlokoa ba mothati ona. Ke ka kutloisiso ena ba nang le kobo ea bohali ba khotlaetsoang ho kenya letsoho ka mekhoe e fapaneng tšebetsong ena ho etsa hore mothati ona e-be oa bohlokoa, 'me o atlehileng 



Lekhotla kamehla le mamela maikutlo a sechaba mabapi le phano ea litšebeliso.

Khetho ea ofisiri ea bohlahlobi ba metsi

Mofumahali Makhaba o tsoetsepele ho bontša hore o tšepa hore e tla ba e mong oa sehlopha sa batho se matla se tla ntlafatsa boemo ba Lekhotla.

L EWA e khethile Mofumahali 'Mapaseka Makhaba ho tlatsa sekheho se secha sa Ofisiri ea Bohlahlobi ba Metsi (WQO) Lekalaneng la Taolo ea Metsi (TRW) ho tloha ka la 1 Hlakola 2015.

Mosebetsi oa mantlha oa Lekalana la TRW ka kopanelo le makalana a mang kahare ho Lekhotla ke ho kenya tšebetsong litebello tsa LEWA ka ho khetholoha litšebeliso tsa metsi le likhoerekhoere.

“Boemo le Boleng ba metsi bo ka hlaloso ka hore bona le likokonyana tse nyenyane le metsoako e itseng e etsang hore metsi a ka sebelisoa lebakeng le itseng,” o hlalositse Mofumahali Makhaba nakong ea puisano e khutšoanyane letsatsing la hae la pele mosebetsing.

“Litšobotsi tsena li bakoa ke metsoako e qhibilihetseng kahare ho metsi kapa e fumanehang kahar’a ona. Ho na le lintho tse ngata tse fumanoang kahare ho metsi le hoja e le karoloana ea tsona e ka bang ka bongata ho ka etsang hore e be taba e tšoenyang ho basebelisi ba metsi.” O boletse joalo.



Mofumahali 'Mapaseka Makhaba,
Ofisiri ea Bohlahlobi ba Metsi

O qetelletse ka ho bontša hore ho ea ka eena, ho laoloa ha K'hamphani ea Metsi le Likhoerekhoere (WASCO) ho tla etsa bonnete ba hore k'hamphani ena e tsamaisoa ka lipehelo tse behiloeng, ho kenyeletsoa le litaba tsa boemo ba bohloeki ba metsi. Mofumahali Makhaba o tsoetsepele ho bontša hore o tšepa hore e tla ba e mong oa sehlopha sa batho se matla se tla ntlafatsa boemo ba Lekhotla ka litsebo tsa hae tsa nako e telele, botsebi le boiphihlelo litabeng tsa metsi.

Lekhotla le amohela Mofumahali Makhaba e le e mong oa basebetsi ba LEWA le bile le mo lakaletsa katleho phethahatsong ea mesebetsi ea hae e le Ofisiri ea Bohlahlobi ba Metsi □

Motlakase o kotsi ha o sebelisoa hampe!

Ke 'nete hore **motlakase** o bohlokoa haholo maphelong a rona ka kakaretso. Ho tloha nakong eo re tsohang, ho fihlela ha re robala, re sebelisa motlakase. Ka lebaka lena, ke ntho e sa makatseng hore re o sebelisa ntle le ho se nahane mathata a ka bakoang ke ho o sebelisa hampe, 'me oa hlahisa batho **kotsi** kapa hona ho ba bolaea.



Lekhotla la Taolo ea Motlakase le Metsi Lesotho
le na le bokirabello ba ho hlokomelisa sechaba ka tšebelei so e mope ea motlakase e ka bakang likotsi.

Thupelo ea boraro e khotaletsang bonngoe e ile ea tšoaroa

Mookameli oa LEWA Ntoi Rapapa o bontšitse hore selemo sa lichelete sa 2014/15 se bile le likatleho le liqholotso.

Thupelo ea boraro ebile e le ea ho qetela ea ho matlafatsa bonngoe ba basebetsi ba Lekhotla la Taolo ea Motlakase le Metsi Lesotho (LEWA) ea selemo sa lichelete sa 2014/15 ea basebetsi ba LEWA e ile ea tšoaroa ho tloha ka la 23 ho isa ka la 25 Hlakubele 2015, Orion Mohale Lodge.

Ha a bula thupelo ena ka molao, Mookameli oa LEWA Assoc. Prof. Ntoi Rapapa o bontšitse hore selemo sa lichelete sa 2014/15 se bile le likatleho le liqholotso tse 'maloa, empa a ananela hore basebetsi bohle ba atlehile ho ba teng thupelong eo. O bontšitse hape bohlokoa ba thupelo eo.

“Ena ke thupelo ea ho qetela eo re bang le eona selemong sena. Leha ho le joalo, kea tšepa hore kamor’a

thupelo ena re tla qalella ho lemoha bohlokoa ba sepheo sa Lekhotla le sa motho ka bomong, boithahlobo bo tebileng le tjantjello ea ho sebetsa ‘moho”, a rialo Assoc. Prof. Rapapa.

Ka ho khetholoha, se seng sa lipheo tsa thupelo e ne e le ho khotaletsa likamano tse ntle lipakeng tsa basebetsi le ho fetisetsana litsebo, ho khotaletsa puisano e nang le botho e bileng e ahang kahare ho basebetsi, ho khotaletsa tšebeliso le ho kenya moea oa bonngoe mosebetsing.

Thupelo ena ea boraro ea kaho ea bonngoe e ne e kenyelelitse lipuo le lipapali tse neng li reretsoe motho ka mong e le setho sa sehlopha, ho elelloa limelo tsa bona le ho tsebana hantle boemong ba motho ka bomong le

14



Basebetsi ba LEWA phuthelohang ea bonngoe e neng e tšoaretsoe Mohale Dion ka Hlakubele, 2015.

12

ho ithuta ho ananela ho sebetsa 'moho. Tabeng ena lintlha tseo ho buisanoeng ka tsona li ne li kenyeletsa ho etsa lintho ka tekano (balance life wheel), tšebeliso ea maano a sehlopha seo e leng mohloli molemong oa ho utloisisa limelo tsa ba bang, ho utloisisa boleng ba motho ho shebiloe bokahare ba hae, taolo ea khatello ea maikutlo le tšebetso e ntle ea Lekhotla.


“Ho bohlokoa hore motho ka mong a utloisise semelo sa hae. Lilemong tse fetileng barutehi ba kang bo-Pythogoras le Hypocrates ba bone hore semelo sa motho se ka etsa lintho tse peli; ho mo aha kapa ho mo liha. ‘Me ho ntse ho le joalo le mehleng ena”, ho boletse e mong oa barupeli ba thupelo Dr. Calvin Motebang.

Ntle le lipuo tse entsoeng, thupelo e ile ea kenyeletsa haholo ho seka-sekoa ha lintlha tse amang melaoana ea

tsamaiso mosebetsing e neng e tsamaea le lipapali tse khothaletsang bonngoe le ho thoba maikutlo.

E le ntšetsopele ea lithupelo tse peli tse fetileng tse tšeroeng ka 2014 tse neng li khothaletsa bonngoe, thupelo e tsoetsepele ho thusa litho tsa sehlopha ho tsebana ka botebo. E entse le hore litho tsa sehlopha li bapale lipapali ka thabo. Lipapali li ne li reretsoe ho thusa sehlopha ho ntlafatsa tšebeliso ea bona e le sehlopha molemong oa phano ea litšebeletso tse ntle.

Qetellong ea thupelo basebetsi ba LEWA ba bontšitse hore ba tla kenya tšebetsong tsohle tseo ba ithutileng tsona le hore ba be le sepheo se hlakileng.

“Liketsahalo tsena li ne li amana le tšebetso ea LEWA le basebetsi, ‘me re buisane hamonate re phutholohile,” ha rialo Mofumahali 



Ke 'nete hore **motlakase** o bohlokoa haholo maphelong a rona ka kakaretso. Ho tloha nakong eo re tsohang, ho fihlela ha re robala, re sebelisa motlakase. Ka lebaka lena, ke ntho e sa makatseng hore re o sebelisa ntle le ho se nahane mathata a ka bakoang ke ho o sebelisa hampe, 'me oa hlahisa batho **kotsi** kapa hona ho ba bolaea.



Lekhotla la Taolo ea Motlakase le Metsi Lesotho
le na le bokirabello ba ho hlokomelisa sechaba ka tšebeletso e mope ea motlakase e ka bakang likotsi.



U tšoenyehile ka Boleng ba Metsi?

Hape le...

- *Likhakanyo tsa khokelo tsa metsi • Khokelo tsa metsi*
- *Khaolo ea phephelo ea metsi • Khokelo*
- *Khaolo ea phephelo e bakiloeng ke bothata
ba marang-rang a WASCO?*

Lekhotla la Taolo ea Motlakase le Metsi (LEWA) le hlahisitse litokomane tse 'maloa tseo ka tsona taolo ea metsi le likhoerekhoere e tlang ho phethahatsoa ka tsona. Ka hara tse ling, Lekhotla le hlahisitse tokomane ea Lipehelo tsa Boleng ba Litšebeletso le Phephelo tsa Metsi le Likhoerekhoere (Urban Water Quality of Service and Supply Standards - QOSSS). Tokomane ena molemo oa eona ke hore K'hamphani ea Metsi le Likhoerekhoere (WASCO) e fane ka litšebeletso e ipapisitse le lipehelo tse behiloeng tse kahar'a eona. WASCO e lebelletsoe hore ebe e qalile ho kenya lipehelo tsena tšebetsong ho tloha ka Mphalane 2013.

*Molemong oa litšebeletso
tse phethahetseng holim'a metsi
le likhoerekhoere literopong.*

Ho fumana tlhakisetso e felletseng, ikopanye le rona: 7th Floor, Moposo House, Kingsway, Maseru, Lesotho

Tel: +266 22 312479 • Fax: +266 22 315094 • Email: secretary@lewa.org.ls





Uena u tseba ha kae ka LEWA

Ka Lefapha la Litaba tsa Basebelisi ba Metsi le Motlakase, Lekhotla la Taolo ea Metsi le Motlakase (LEWA) le ikemiselitse ho hlaloesa sechaba ka mosebetsi oa lona holim'a taolo ea litaba tsa metsi, likhoerekhoere le motlakase. E le ho fihlela katleho boikemisetsoeng bona, Lekhotla le sebelisa mekha e mengata ea ho buisana le sechaba. Mehlala ke maselinyana, likoranta, liea-le-moea, le telefishini.

Bakeng sa litlhaloetso tse pharaletseng, u ka re fapohela Lesotho Electricity & Water Authority:

7 Floor, Moposo House, Kingsway, Maseru, Lesotho

Tel: +266 22 312479 Fax: +266 22 315094 Email: secretary@lewa.org.ls Website: www.lewa.org.ls